



TETT I TETT: Studentbustad i Moldova.



«MAN TAGER VAD MAN HAVER»: Rullestol i Moldova.

et i Europa

rande å sjå kor glade dei er og kva som er mogleg å få til under svært dårlege forhold.

– Her og tok me med oss nokre varme klede, for om vinteren vert det særskaldt i Moldova, og veldig mange kjem til å frysa. Eg synest det var ganske kaldt der nede no – og det var trist å sjå at mange berre hadde sandalar og ballerinaske å gå i, fortel Storesætre.

Set meir pris på Noreg

For å kunna ha eit godt liv i Moldova er utdanning særsk viktig, og det er ikkje lett å koma inn på universitet. Ein må nemleg ha toppkarakterar (eller så må dei betala seg inn, og det er ikkje mange som har råd til det).

– Me vitja ei pedagogisk

avdeling på eit universitet. Det var godt utstyrt med utstyr frå Noreg og Os Vgs. Me tok og turen til ein studentbustad. Det var skremmande å sjå korleis dei budde, seier Storesætre.

På fire etasjar med 60 i kvar etasje må dei dela seks dusjar for jenter og seks dusjar for gutar.

– Tanken min når eg gjekk ut av studentbustaden var «tusen takk mamma, for at du fødde meg i Noreg!». Ein har det så uendeleg godt her i Noreg, og ein skjønner det ikkje før ein ser forholda i andre land, fortel Storesætre.

– Eg sit att med mange inntrykk og minne frå turen, som definitivt vil vera med meg vidare i livet. Det å sjå gleder i menneska i

Moldova var ein stor inspirasjon. Alle var så flotte og imøtekomande.

– Eg er heldig som fekk vera med på turen og representera skulen vår. Jobben som Hans Bjørn Bakketeig og «Hjelp Moldova» gjer står det stor respekt av. Så eg oppfordrar alle til å ta ein tur innom heimesida: www.hjelp-moldova.no og ta ein titt, og kanskje bidra med ein sum?

– Ein ting er sikkert, og det er at det går til ei god sak.

RANDI KLEPPE
randi@lysnesbladet.no